



臨川夢卷下

長白明 新春岩正譜

鉛山蔣士銓定甫填詞

秀水錢世錫百泉評校

第十一齣 宦成

吾樂府

淨末扮二獵戶上老翁愛小民老虎喫好人要求老翁  
治老虎纔得好人不喫苦淨我們浙江處州府遂昌縣  
中獵戶是也我們這位縣官湯爺是江西人正直清廉  
與百姓興利除害近來夜不閉戶道不拾遺誰想新正

年頭蓮花峯下出了一隻頂大雄虎頭廣二尺身長七尺領了多少大蟲在四鄉擾害末夥計你的兒子被虎咬傷何不背了往縣中求何老丈醫治淨那箇何老丈末這老丈名叫何曉別號東白乃是江山縣人與縣官極其相厚他精於醫道凡小民鬥毆到縣驗傷何老丈卽與醫治所以縣中年來總沒有因傷致死的你還不知道嗎淨我在西鄉離城七八十里竟不知道這何老丈你看見麼末一箇白鬚老翁滿面善氣聞他幼年手殺劫賊數名後遇異人傳他方藥所以我們縣官十分

此篇實寫循  
吏事事絕倫

敬他呢。淨如此。我背了兒子見官去。同下生冠帶吉服。

引二隸上

詩本

繞縣笙歌一省囹。寂無燈火照圓扁。中宵

撇斷天河鎖。貫索從教漏幾星。下官湯顯祖。自徐聞典  
史陞任遂昌縣令。政簡人和。官民相愛。豪強改過。獄訟  
漸稀。去年除夕。將獄中各犯釋放。回家度歲。三日約於  
今午。仍來收禁。特此升堂坐待。淨負子上。小人蓮花峯  
下獵戶叩頭。生有何話說。淨數目內。西鄉有許多老虎。  
出入無忌。將小人兒子咬傷。特來求爺。托何老爹救命。  
生如此快請何老丈出來。雜請外白鬚巾服上。年終焚

藥券歲首接家書。老父母奉揖。生東白先生請坐。這童子被虎咬傷。求你醫救。外待我看來。不妨有巨勝膏在。此取碗來研碎。沖水灌下。卽愈。雜取碗外研介。

商調  
過曲

黃鶯兒虎口脫餘生。定驚魂。藥力能神。膏入口堪甦。

醒

副淨介將藥灌下去。淨灌介外瘡痕漸平。肌膚漸盈。兒

躍起。淨笑介。咦。活轉來了。猿猴跳擲如無病。同兒拜介。拜公庭恩。同再造。免做鬼兒俵。

下外適得家信。竟生一子。老漢年已六旬。只恐不能看

他長成哩。生先生說那里話。你活人無算。隱德格天。後

嗣必昌。壽年當永。外多謝過譽。告退了。下生我想春王  
伊始。猛虎橫行。咎歸令尹。待我寫公文。移牒城隍司去。  
寫介縣令湯某。謹告城隍尊神曰。令與神共典斯土。人  
之食人者。令能治之。而法不能及於猛獸。虎雖天生。不  
如人貴。神毋縱虎害民。謹與神約。牒到卽飭陰兵。佐我  
獵人。一同擒獲。殲厥渠魁。餘虎罔治。倘因苛政。所召罰  
在我躬。毋爲貽禍。幽明相佐。各慎所司。須至牒者。皂隸  
可將此牒。到城隍廟焚燒。回報。雜持牒下生。

前腔毒螫恣橫行。用誅鋤敢失刑。鱷魚翻海猶從命。官如

專城者自省

國川夢  
卷一  
三  
欠清神如欠靈陰陽尸位奇災應問專城一般牙爪還較虎爭獐。

扮衆囚作醉飽歡悅情態上除夜星灰氣燭天酖酖銷恨獄神前歸家拜朔遲三日到縣迎春又一年入拜介各犯叩賀老爺新年大喜並謝格外仁恩生爾等回來了好百姓這纔是我湯顯祖的子民你們父母妻子過年都有飯喫麼衆老爺聽稟。

前腔血氣不能平念無知犯罪刑爺娘妻子關天性三朝笑聲全家涕零杯羹片肉今年幸求老爺上了刑具罷緣。

字字感人

莎廳銀鑄再領萬口祝長生

生左右送他們進獄中去雜引囚下內作號叫聲介雜  
呀霎時風霧迷漫軍聲大震請爺退堂罷生不必驚慌  
掩面坐介粉獵戶逐虎城隍領鬼兵繞場下獵戶扛虎  
上稟老爺小人們用強弓毒矢正在射虎忽見山下黑  
氣中有無數神兵相助遂將雄虎射死送來驗看生妙  
極城隍可云盡職矣

前腔不愧主幽冥享專祠俎豆馨禦災除患神功正取俸  
銀十兩賞衆獵戶將虎抬去掩埋不得殘剝衆謝爺恩賞

賊民者焉有  
斯言

道子畫水作  
洋大觀

扛虎下生吩咐該房虔備香花牲醴待本縣明早躬詣城  
隍廟祭祀田疇自耕閭閻不驚迎貓祭虎豐年應對蒼生  
斯民父母何日宦方成

吩咐掩門下

第十二齣 遣跛

末冠帶引  
隊子上

正宮  
過曲

南普天樂夏州城黃河帶鵲鵲軍圍青海

狼山下斷木爲簿似長江天塹橫開末下官梅國楨麻城

人也萬歷十一年與湯義仍同成進士由固安縣令歷官

浙江道御史近因夏賊變亂屢抗王師俺特保李成梁長

子李如松提兵殺賊卽命下官監軍前用布袋三萬裝土  
登城被賊砲石打散那劉許二賊與李家父子又暗勾套  
寇前來相助俺遣將麻貴李寧董一元龔子敬等分別追  
斬不敢再至且喜這寧夏一城地形低下因與李總戎議  
用水攻遶城築堤一千七百餘丈決金波三塔兩湖之水  
於西北決觀音紅花兩渠之水於東南你看平地水深一  
丈四面汪洋昨日拿得奸細說城中糧盡兵食戰馬民食  
樹皮眼見釜底游魂共成魚鱉也看黏天浪擺盤渦雉堞  
排只剩危牆三版遮住蒿萊

內敲柳歌介。癰不決兮。狃於瘡。巢不覆兮。鴉尚止。末呀。  
歌聲奇怪。是異人也。快去喚來見我。雜下引外白。短髭  
跛足挑油担。上古木千山月。荒臺萬水風。從來天下士。  
只在布衣中。雜稟監軍大人唱歌之人。是一箇賣油的。  
拐子。末着他過來。外放担揖介。大人在上賣油。翁李登  
衆見。末聽汝歌聲。必知方畧。看坐。外告坐了。末左右迴  
避。衆下。末老丈作歌之意。可得聞否。外大人聽啓。  
北朝天子晉陽城。不開問誰稱智伯。怕凌波師老軍心懈。  
便做道產蛙沉竈甲冑生苔也。則索料機關知成敗。末賊

黨不足惜。只城中百姓可憫。我欲遣一說客往作間。喋  
使三賊自相殘害。便可坐觀鷸蚌之勞。不戰而收其利。奈  
無人可遣。何外。古來名將成功。善於用間。故曰不知敵之  
情者。不仁之至也。又曰三軍之事。莫親於間。莫密於間。非  
聖智不能用間。非微妙不能得間之實。老漢生長寧夏。深  
知賊情。大人若推心置腹。叟雖衰疾。尚堪一往。管教他下  
邳兵逃。邯鄲圍解。又何必運神樵。勞朱亥。末叟真當代之  
魯連也。俺有大將劄付三道密書。一封與你收藏。叫軍士  
縛一木。縛渡你往東門。先見承恩。後見二賊。倘得成功。定

貪利者老命

蓋重

趣極

噬臍

當奏聞陞賞。外大人差矣。我爲拯救生靈。不惜這條老命。賣油翁豈學蹇人升天而貪榮利者乎。末與劄付外納懷。中介外顛巍巍將臺亂紛紛。將才俺去矣。挑担介願做箇太平人將油賣。

下末吾事濟矣。下丑戎裝引隊子上。

南普天樂捲秋濤。城將壞。困長鯨。天無奈。援兵絕。套馬難來對窮鱗。怒裂魚腮。俺啣承恩暗勸劉東陽。許朝二人謀反。指望於中取利。豈料天兵四壓。如今弄得收拾不來。那李如松牛秉忠麻貴蕭如薰一箇箇驍勇非常。已難抵敵。

取法乎上

又加上監軍梅御史智謀百出調遣有方叫我如何招架。前日五路夾攻兼之火燒水灌看看食盡援絕目下雖然閉門死守却是一籌莫展咳老天老天我喲家父子也是一代英雄難道如此結局麼跳介怨天公意反蒼黎困水災屈煞劉聰石勒沒箇安排。

雜上稟將軍外面有一箇賣油的拐脚老兒求見丑叫他進來雜引外上喲將軍賣油翁拜見丑哇你莫非是梅御史差來的說客麼外正是丑綁去殺了外我來送一場大富貴與你你反這般浮躁可笑我這條老命值

心冷愈嚴

刺心語

箇甚的你殺了我。只怕要償命還不允哩。**丑**前番魏總督差來的葉得新被俺斫了左腿。後來方巡撫遣來的總兵張傑現鎖在死囚牢內。你怕不怕。**外**這些舉動逼真是毛賊氣度。古云兩國相爭不斬來使。老漢若怕你殺也不來了。**丑**你且講來。**外**此言豈可傳於六耳。**丑**諒你這拐老兒不會行刺。俺難道怕你不成。左右迴避了衆下。**外**監軍梅爺念將軍父子屢立戰功。本無反志。只因朝廷爵賞太輕。文官節制太緊。以此坐視劉許二賊跋扈。懶於勦捕。前日出京時已在皇上面前密奏極力

幾切

中鉤矣

賊骨酥麻難受

保全將軍富貴並請有提督劄付一道送與將軍幾番  
要遣人說知就裏一則怕劉許二賊見疑二則怕將軍  
粗鹵不知好歹所以遲遲丑動色起立介噫噫噫好御  
史好御史真是俺知己也外他說將軍呵

北朝天子是安邊將材是提封大帥勸朝廷休把長城壞  
倘將軍不悟將來玉石俱焚豈不可惜一旦的水斷蛟龍  
可也不分皂白誰認得老英雄將軍拜丑依你說那梅御  
史叫我如何辦理外御史說我是殘疾老兒旁人斷不疑  
心把密記一封劄付一道送與將軍苟能暗殺劉許二賊

吞餌矣

白話生艷光

封侯如反掌耳。付書丑看介外。只要你密引雙豺。同時誅  
醢。他把你舊愆尤都擔戴。丑。不料梅公待我如此之厚。老  
頭兒。你可回去替我致謝書中所言。一一遵命。便了你悄  
悄去罷。作得意狀下。外笑介。監軍妙算。思過半矣。這邊人  
使乖。那邊人不飲水。雲中築下了連環寨。

下淨副淨戎裝引隊子上

南普天樂。豎降旗。教咱拜閉荒城。將他耐三軍。竈少米。無  
柴。餓夫營。飢困難捱。淨俺劉東陽。副淨俺許朝。坐介。淨許  
兄弟。我們被梅御史決水灌城。弄得餉盡糧絕。如何是好。